

Edizione diplomatica

bn de uentadorn

Eram conseilatz seyor. uos cauetz saber e sen una donam dec
samor cai amada loniamen. e ara sai en uertatz q(i)l outra amic
priuat. et a(n)c de nuil compaino compaina ta(n) greu nom fo.

Sela uol autramador ma domna noli defen elais omais per paor
qe per autre chausimen esi hom deu auer grat d(e) nuil seruisi forsat
ben de grau er gasardon. eu q(ue) ta(n) gra(n) tort p(er)do(n)

De laiga qe dels [...] escriu salutz [...]n qe tramet a la gençor. e [...]lus
auinen
maintas uetz [...] pois menbratz lamor qem [...]al comjatz qel ui cu-
brir sa faicon. enom poc dir oc ni no(n).

Li seu bels oils trichador qi me gardauon gen e sai si gardon
aillor mout i fan gran fallimen. mas daitan er ben onratz. qe
seron mil aiustatz. mais gardon lai on eu son. q(ue) atotz cels
dauiron.

Pos uout soi ala folor ben serai fols seu non pren daq(ue)stz dos
dans lo menor q(ue) mais ual mon encien. en lei auer la meitatz.
qe tot perdre p(er) foudatz q(ue) anc a nul drutz felon. damar no(n)
ui far son pron.

Duna ren soi en error e estau en pe(n)same(n). qe lo(n)cs aurei ma
dolor. seu aqest plais li consen. e seu li dic son pe(n)satz te(n)c
me p(er) desconortatz damor eia deu no(m) do(n) pois faire uers ni
cha(n)co(n)

[...] seu lam adesonor. es qe[...]s er atota gen e tenran [...] li
plusor. per curnut eper [...]ren. esaissi pert mamistatz U[...] mon da-
matge doblatz cal q(ue)[...]atz o cal qe non res no men pot esser pron.

Garcion aram chantatz ma chançon elam portatz a mon mesat-
gier qe fon. qel conseil qello me don.

Secondo l'edizione diplomatica fornita in: G. Steffens, *I. Fragment d'un chansonnier provençal aux archives royales de Sienne*. In: *Annales du Midi: revue archéologique, historique et philologique de la France méridionale*, Tome 17, N°65, 1905. pp. 63-67, rivista e corretta in: É. Brayer, *Le chansonnier provençal de Sienne*.

In: *Recueil de travaux offert a M. Clovis Brunel*, I, 1955, pp. 209-226.

- letto 244 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-3332>